


Rapunzel- sang- und klangvoll

Violette Tanner

Erzählung

Béatrice Gründler

Musik, Lieder und Verse



Lieder und Verse:



*Was häts i dere True do, wa?
Es Märli, und das fangt jetzt a!*

Märliland

Chömed, mir gönd mitenand
Is /gheimnisvolle Märliland
Mir / bruched do dezue chli Rue
Mached drum ez d' Auge zue

Dänn gsend mir so mängi G'schtalt
Wont si echt im tüfe Wald?
Oder im'ne Schoss am Berg
Ischs en Rise oder Zwerg?

Isch s es Ein-horn, ischs ä Fee?
Häsch du mol en Drache gse?
Chunt bi eu en Wolf au vor?
Stönd ihr vor em grosse Tor?

Üses s Märli got es los
Mached eui Ohre gross!

Aus dem Liederheft inkl. CD: Singe spile tanze klinge, B. Gründler, Walti Bräm Verlag

Audio: <https://soundcloud.com/b-atrice-gr-ndler/marliland>

S Lied vo de Rapunzel

(6/8, mittelalterliche Leier, dorisch)

Es schtot en Turm im tü-fe Wald,
det isches gfürchig, ganz tunkel und chalt
Do läbt es schöns Meitli, mit lange Hoor
im Turm isch si igsperrt, scho vi-li Joor
Und zwor von're Häx, ere gfürchige Frau
Wo ganz gemein isch, und au zimli schlau
Die Häx isch das Meili do nämli go hole
Will dä Vater im Garte Rapunzel hät g'schtole

Do gset er wie dHäx die Rapunzel bsuecht
So tenkt er, das er das ez au mol versuecht
«Rapunzel Rapunzel,» rüeft er ihre zue
Und stiiigt denn wie dHäx a däm lange Zopf ue

Die beide händ sich glii mol gärn übercho
Und ustänkt wie si dä höch Turm chan verlo
Doch dHäx chunt dehinder, holt dSchär und, schnipp, schnapp
Haut si de Rapunzel die schöne Hoor ab

D'Ziit got is Land, und s tuet mängs no passiere
bis endlich e-mo-l das Glück chan regiere

D Rapunzel mit irer schöne Stimm
Singt gärn und oft, so ischs wäniger schlimm,
Dass si i däm Turm do elege mues sii
Vilicht chunt au würkli mol öpper verbii?

Tatsächlich, do rijtet en Prinz uf sim Ross
Verirrt sich Wald, vo me ferne Schloss.
Er ghört iri Stimm, und scho ischs um ihn gsche,
er weiss es: die jungi Frau, die mues ich gse!

Tatsächlich, do rijtet en Prinz uf sim Ross
Verirrt sich Wald, vo me ferne Schloss.
Er ghört iri Stimm, und scho ischs um ihn gsche,
er weiss es: die jungi Frau, die mues ich gse!



De Prinz flügt id Dorne und so wird er blind.
D Rapunzel, die hät underdesse zwei Chind.

Doch schliesslich, das törf ich ez au no erwähne:
Wird de Prinz gheilt dur Rapunzels Träne
Und glücklich ziend alli is Schloss denn ii
Und jetzt isch das Mä-rli au scho verbii.

(Gesprochen:) Und ich wär sooo gärn bi dem Hochsigs-Fäscht debi
gsiii!!

Audio: <https://www.youtube.com/watch?v=C1Znb7rUJ-c>

Lied von Rapunzel

De schöni Turm, de isch mis Dihei
Doch leider bin ich do ganz elei

Er hät kei Stäge und au e keis Tor
Das ich do use chan, stell ich mir nu vor.

Ich möcht gärn frei wie nen Vogel si
Doch mues ich warte, jorus, jorii

Bis öpper ame schöne Tag
mich endlich mol erlöse mag

So sing ich, damit ich nid so trurig bin
Denn isch die Einsamkeit nu halb so schlimm.

Audio: <https://www.youtube.com/watch?v=q87TYJPQx5Y>

De Prinz uf em Ross
Galopp, galopp, mis Ross isch gschwind
Galopp, galopp, grad wie de Wind

Galopp, galopp, ez gots in Wald
Galopp, galopp, swird tunkel bald

Schritt für Schritt tuen ich langsam wärde
Über Wurzele und weichi Erde

Und ez gits en Stopp,
ich gumpe abe, hopp!

Do ghör ich e Stimm, die tönt wunderbar
Wär singt echt so schön, so hell und klar?

Isch das echt e Fee,
ich würd si so gärn gsee!

Instrumente:



Ko-ta-mo= Instrumente in einem: Japanisches Koto, indische Tambura, Monochord (30 gleich gestimmte Saiten auf D)

Koto= Rapunzel, Monochord= Wald



Klangauge = Prinz




Donnerrohr= Hexe



Kalimba= Garten der Zauberin



Kokosnussschalen=
Pferdegetrappel (Prinz)





- Das Programm «Rapunzel sang- und klangvoll» kann für Vorstellungen in Kindergärten gebucht werden.
- Das Bilderbüchlein A5 kann für CHF 9.-/8 € plus Versand bestellt werden auf: <https://www.einklang.com/lieder-geschichten/rapunzel/>
- Infos zur Ausstellung von Kindern für Kinder zum Märchen Rapunzel im Kinderbuchladen Zürich 2019 anlässlich der Buchvernissage des grossen Rapunzelbildertbuches im Bäschlin Verlag sind ebenfalls dort zu entnehmen.
- © Die Rechte aller Lieder und Bilder sind bei Béatrice Gründler